

): (2^r

Dem Durchleuchtigsten Für=

ften / vnnd Hochwirdigsten Herrn / Herrn Friderich von

Wersfett / ꝛc. Bischoff zu Wirtzburg vnnd Her=

tzog zu Francken/ꝛc. Meinem Gnedigsten

Herrn.

DVrchleuchtiger Fürft / Gnedigster

Herr/ ꝛc. Wann alle menfchen zu hertzen führen/

wie kurtz das Leben der menfchen / vnnd wie vn=

befendig das Weltlich Glück feye/ folten fie bil=

lich mit dem Xerxe dem Großmechtigsten König

der Perfier weinē/ vnd die geringe Zeit des menfch=

lichen gefchlechts betrachten. Dann Xerxes der

Mächtigft vnd Reichft König der Perfier/ als er

wider die Griechen mit einē groffen vnd vnzalba=

rem Heer außzog: Nemlich mit drey taufent wol verfehen vn̄ bewartē fünf

rüdigen Schiffen vnnd Galeen/ welche mit zwey mal hundert taufent/ vnd

viertzig taufent kriegßknechten waren befetzt/ ohn die Rüdernknecht vnnd

Schiffleut/ deren auch ein zimliche zal war: Deßgleichen mit fünff mal hun

dert taufent Fußuolck vnd Reuttern/ vnd bey den zwentzig taufent/ welche

die Cameel vnd andere Artholerey vnd plunder verfabē: Also das diß mäch

tig heer inn einer Nacht den gantzen fluß Scamandium / der doch zimlich

groß vnd tieff war/ außträck vnd verdörret. Da nun Xerxes diß vnzalbar=

lich Heer bey einander hatt/ belüftet jhn folches gantz zu belichtigen/ wie

ftarck/ vn̄ wiewol er gefaffiert were mit kriegß macht wider die Griechē/ fei=

ne feindt. Derhalben fteig er auff ein bühel/ fatzt sich auff fein Königlichen

ftül/ vnd befchawet das mächtig vnd fchön volck vnnd kriegßrüftung lang

an/ wie die Schiffleuth jr Armada in dem Helleponto in einer fchlachtord=

nung gegen ein ander richteten/ gleich als wann fie ein ernftlichen vnd feind

lichen fchiff freit vnder jnen felbt wolten anfahen. Darzu fchloß das Fuß=

uolck jre fpieß auch in einander/ gleich als wañ fie jetzundt woltē ein fchlacht

thun. Da nun Xerxes das mächtig vnnd fchöne volck lang hatte befchawet/

fchetzet er sich für den aller glücklichften König auff dier Welt. Dieweil er

also reich an volck vnd Landt were: Als er aber bey im felbs betrachtet/ wie

vnbefendig das weltlich Glück/ vn̄ des menfchē leben were/ fieng er an bie=

terlich zu weinen/ vnd beklagt die kurtze zeit des lebens/ vnd fprach bey jhm

felbs heimlich diefen fententz:

Ἀνθρώπων εἶον μὴ ὡς ἐ φησὶς, ὁ, τί γίνεταί. Homo cum sis, nunquam dixeris quid futurum sit:

μηδὲ ἀνδρᾶ ἰδὼν ὁσόν χρόνον εἰσεταί. Nec inspiciens hominem, quamdiu sit uicturus.

ὠκεία γὰρ, ἀδὲ ταχύτερον αἰμας Etnim celeris, mutuae prepetis

αἰως, α μεταφασις. Inftar, rerum sit mutatio.

Da er nun also ein gute weil hett geweint/ vnnd den ftandt des menfchlichen

gefchlechts mit betrübtem hertzen hat erwegen/ Frage jn feiner Rhât einer/

mit nañen Artabanus/ warumb der König also trawrig were/ vnd warüb

): (ij er wei=

Xerxis

kriegs heer

wid⁹ die Grie

chen.

Scamander

ein fluß.

Xerxes wei=

net vber die

kurtze zeit

des menfchē

lebens.

)::(2^v

<p>Leben des menſchē wie kurtz. Leben des menſchē we= ret biß weilē zū lang.</p>	<p>Vorred. er weinet? Darauff antwortet Xerxes vnd ſprach/ er weine allein darumb/ das auß folchem Mächtigen vnd ſchönē Heer keiner vber hundert jar mehr würde hie leben/ fonder all zū grundt fein gangen. Darauff ſprach Artaba= nus es iſt war wie der Großmechtig König ſagt: Jedoch kompt es oft darzū kurtz das auch die aller glücklichſten/ vnd denē es gantz wol geliebet zū lebē/ viel müſſen inn dieſer kurtzen zeit erleiden / alfo das wann ſie ſchon noch ſo were/ kem es doch offtermals dahin/ das mir vil lieber todt/ dann lebendig weren/ vnd diſe geringe zeit vns nit allweg zū kurtz/ fond⁹ offtermals zū läg dunckt fein. Dañ wañ krankheiten/ betrübnuß / jamer/ angſt vnd not ein= fallen/ betrüben vnd verwirren ſie des menſchen leben dermaſſen/ das ob es ſchon kurtz vñ ſchnelleuffig iſt/ dunckt es vns doch vil zū lang fein. Darumb iſt der todt gleich als ein flucht hauß vnd wohnung in welchem alle betrüb= nuß/ angſt vnd noth auff hören/ welche vns Gott gleich als ein herrlich klei= noth aller freiden zūſchickt/ wiewol mirs dafür halten/ als wann vns Gott folches zur ſtraff thet. Alfo ſprich ich auch Durchleuchtiger Fürſt vñ Hoch= wirdigſter Herr/ ꝛc. wañ mir menſchen des Xerxis weinen zū hertzgen fürſte/ ſolten wir niemer frölich werden/ von wegen des geringen termins/ den wir hie auff dieſer welt haben zū erwarten: Fürnemlich zū vnſerer jetzigen zeit/ dieweil mir fehen vnd ſpüren/ das folches ziel je lenger je mehr kürtzer wirdt vñ abnimbt. Dann wann wir betrachteten/ die ſchwere vnd groſſe widerwer= tigkeit des Glücks zū vnſern zeiten/ würdē wir fürwar dahin gebracht wer= dē / d3 mir vil hefftiger vber d3 weltlich Glück hetten zū weinē / vñ zū klage/ dann Xerxes. Seitenmal Xerxes hie allein der menſchē ſtandt vnd natur an fahe/ vñ dardurch zū weinen bewegt wardt/ dieweil keiner auß folchē herrli= chen vnd ſchönen volck vber hundert jar lebendig fein würde: Nun wañ mir dargegē befehē vnd bedenckt/ w3 Mächtiger Königreich / Herrſchafftē/ Ge= waltiger Stätt/ Schlöſſer vñ Veftung minder dañ in anderthalb hundert jaren fein zū grundt gangt/ die doch gegē des menſchen lebē ſolten für ewig gerechnet werdē/ (dieweil auß dē erdrich allzeit wider neue leut herkoñen) wie vil mehr ſoll vns folches bewegē vnd zū weinē reitzē? Dann wañ mir nur ein wenig betrachteten in was groſſer vñ ſchwerer noch/ ja höchſte gefahr je= tzundt die Chriſtenheit vñ alle Königreich dariñ/ ſtehen. Iſt für war d⁹ troſt vnd ſententz/ ſo Artabanus dem Xerxi gab(da er ſagt/ ob ſchon des menſchē leben kurtz were / kem es doch offtermals darzu/ das es vns vil zū lang dun= cket fein) an vns Chriſten menſchen gantz vnnd gar war. Diß ſag ich/ Durch= leuchtiger Fürſt vñ Hochwirdigſter Herr/ ꝛc. Iſt fürwar zū vnſern jetzigē zei= tē manchmal an vilen orten/ ja noch heutigs tags gelchehen/ das jr vil be= gert haben/ lieber todt zū fein/ wede zū leben. Dann welcher Chriſte menſch wolt nicht da den todt wüntſchen vnd begeren/ wann er hört vnnd ſihet das feine mitgefellen vnd bundtsgnoffen im glauben durch des Türcken grau= same Tyranny/ ſo jämmerlich ermordet vnd vmbgebracht werden? Dañ der Türck hat ein folche Tyranny nun etlich jar an den Chriſten begangen/ das ſchier vngläublich iſt daruon zū ſagen vnd zū hören. Deßgleichen raubet vñ brennet er nit allein hart an vnſerm Vatterlandt/ dem liebe Teutſchlandt/ Sonder er tyrānifiert hin vñ wider in Vngern/ vnnd in der Chriſtenheit der maſſen/ das er jung vnnd alt/ Frawen vnnd Mañ alles jämmerlicher vnd er= ſchrocklicher weiß ermordet. Deßgleichen verſchonet er keins wegs der jun= gen kindlein in mütter leib fonder ſpiffet ſie auff die zaun ſtecken/ ſchinder die</p>
<p>Chriſtenheit gefahr</p>	
<p>Artabani ſchöner ſen= tentz.</p>	
<p>Türcken graufame ty= ranny.</p>	
<p>Chriſten ele= de jamer bey den Türckē.</p>	

): (3^r

Vorred.

die menchen lebendig (wie er dann folches erft kurtzlich in der Infel Cypren hat gethan)bratet/ fiedet/ bencket/ wie es jm gefelt die Heiligen Gottes/ vñ vergeußt vnſchuldig blüt on maß vnd weiß. Ja vber das alles läfert er vn= fern Gott vnd Herrn Jefum Chriftum im Himel/ mit vnerhörter Gotts lefte rung/ trittet fein Göttlichen Nañen mit füßen / wie ſie folches dann in der Statt Conſtantinopel haben begangen/ das ſie Chrifti Crucifix habē in der Kirchē hernider geworffen/ daffelbig mit groffem gelpōt vñ gelach/ mit tro men vnd pfeiffen zur ſchandt in das låger gefürt/ durch den kaat vnnd wuft ge= gefchleiffet. Letztlich mit füßen zertrettē vnd gefagt/ fehete das ift der Chri= ften Gott/ das ift jr Meffias vnd Chriftus / darauff ſie ſich verlaſſen. O des elenden anblicks dieſer Statt/ O des vnglückhafften vnd armen volcks/ O des graufamen vnerhörten wüterichs vnd Tyrannen/ O der groffen ſchād= O der graufamen ſchmach der Chriſten / O der ewigen ſchandt des Chriſtli= chen nañens vnd vnſers Herrn Jefu Chrifti vnd Seligmachers/ d3 diß zei= chen des Creützes/ an welchem mir durch Chrifti Jefu groffe Barmhertzig= keit vnd jñbrünftige lieb/ fo er gegen dem Menſchlichen geſchlecht getragen hat/ erlöſet fein / foll von den Türcken mit füßen inn kaat getretten werden/ vnd darzu ſprechen/ fehete das ift der Chriſten Gort: Ach wehe/ Ach wehe der groffen Gottslefterüg des Göttlichē nañens/ vñ ſeines eingeliebtē Sohns Jefu Chrifti. Wer wolt hie nicht weinen vnnd wehe vber wehe ſchreien/ ob er ſchon ein ſteine hertz hett? Wer wolt do nit vil lieber todt fein / weder lebēdig/ wañ er ſchon wißt/ das er ſolt tauſent jar leben: Dañ das er folche ſchmach vñ Gottslefterung an dem Göttlichē nañen vñ ſeiner lieben Chriſtē höret? Was ſollen mir ſagen von der graufamen / vnerhörtē Tyranny ſo er in der Statt Chalcis (welche in d Infel Euboa lige) hat begangē? Dañ uls er diſe Statt im jar tauſent vier hundert vnd vier vnd viertzig hat erobert/ ließ er nit allein jung vnd alt/ frawē vñ mañ jåmerlich erwürgē/ fonder er ſchnide auch die ſchwågere weiber auff/ nañ die jüge kindlein auß mutter leib/ ſtaclt ſie an die zåun: Mit den jungfrawen vñ frawē begiengen ſie vil blütſchand/ als ſie ſchon todt waren: Schleiffen die edle/ vñ vnedle in dem kant hin vnd wider on alle erbårnuß: In ſumma ſie begiengen ein folche graufame pein vñ marter an den Chriſten/ das nit gnugſam daruon zū ſagen vnd zū ſchreiben ift. Vber das alles hat der Türckifch Tyrañ noch kein vernügen/ fonder er ftieß viel lebendiger Chriſtē in d3 groß Feldt gefchützt/ Carthaunen vñ Noth ſchlangen/ ſchoß ſie an die mauren vnd in lufft. O der graufamen vnerhörtē Tyrañey des Türckifchen blüthundts/ welche nie kein menſch erdacht oder erhört hat. O der graufamen marter/ pein vnd ſchandt die der Türckifch Ty rañ an den Chriſten leuten hat begangē? wer wolt da nie lieber tode fein/ wed lebendig/ dañ d3 er folche ſchmacheit an da Chriſtē ſebe begehn. Dañ was ha bē die lebēdige Creaturn vnd menſchen wehr von nõthē/ wed⁹ den Athē? Aber leider vnſere gefangne Chriſten werdē alfo vō Türcken hie gepeiniget/ das ſie jren Athem vnd blaß nit mehr von dem freyen lufft habē mögen/ ſond⁹ wer= den in die Büchfen für bley vñ eißen geſtoffen/ das ſie dariñ jåmerlich müſſen erflicken? Was ift den abgeſtorbnen gemeiner vnd angeneñer / dañ ein kúl/ frifch erdtreich: Aber vnſere Chriſtē werdē bey dem Türcken alfo begraben/ das auch nach jrem todt/ jr gebein in die lufft geſchoffen werdē. Was ift den todtē cōrplē lieber vñ gemeiner dañ die rüh/ aber vnſerer Chriſten gebein vnd cōrplē/ haben auch nach jtē abfterben kein rub von den Tyraniſchē blüt):(iij hund/

Crucifix
Chrifti von
den Türcken
in kaat ge=
treten.

Türcken
Gottsleſte=
rung.

chalcis in
Euboa von
Türcken ge=
wonnen, und
was er für ty
räney darin
hab getribē.

Chriſten wer
den lebendig
in die Büch=
fen geſtoffen
vnd wid⁹ die
mauren ge=
ſchoffen.

): (3^v

Famagufta
in Cypren
erobert vnd
graufam da=
rinn Tyrann.
niferet.

Bragadinus
Oberfter zū
Famagufta
vom Türckē
lebendig ge=
fchunden.

Griechēlāde
wie es vor
zeiten gewe
fen fey, vnd
wie es jetzūd
darin ftehe.
Stätt vor zei=
tē in Griech
enlandt.
Türck wie
viel kōnig=
reich er den
chriften hab
abgewonnē.

Chalck ein
mächtige
vnd volck=
reiche ftatt.
Neapolia=
ner vrfprüg

Vorred.

hundē/ Sonder werdē in dē lufften hin vñ wid⁹ zerfpreitet vñ zerfchmetret?
Ja was follē wir von der graufamen Tyranny fagen/ die der Türckifch Ty=
rañ erft kürztlich: Nemlich im ein vnd liebentzigften jar/ in der Infel Cypren
hat begangē/ als er die Statt Famagufta hat erobert? Dañ als er die Statt
Famagufta durch aufgeben hat eingenomē/ ließ er jren Oberften mit nā=
men Bragadinus / ein freitbaren vnd thewren heldē/ wider alle trew vñ zū
gefagtē frieden/ ehrlofer vnd meineidiger weiß jāmerlich martern vnd vmb
bringen. Dañ als der thewer vnd ftandthafftig heldt zū jm in d3 låger kam/
noch auffgebung der Statt/ vermeint er der Tyrañ wird feinen wortē gnug
thun/ wie er dañ verheiffen hat/ vnd mit feiner eigē hand vnderfchriebē vnd
verlieglet: Do ftundt der meineidig vnd treuloß Muftapha von feinem ftūl
auff/ griff dē Bragadinū mit eigner hädt an/ warff jn zū bodē/ fchnitt jm na
fen/ ohren / vnd lefftzē ab/ ließ jn nachmals ans Meer binauß fchleiffen / da
die Chriften in den fchiffen gefangen lagē/ bandt jn hoch an den Segelbaū/
zum fpectakel vnnd fchawpiel allen Chriften. Nachmals ließ er jn wider in
die Statt fchleiffen/ vnd ließ jn jāmerlicher vnd Tyrannifcher weiß alfo le=
bēdig fchinden. Lettlich hat er fein haut voll ftro gefteckt/ fie an den Segel=
baum gedenckt vnd in Syriam gefürt/ zur fchmach vnd fchandt allen Chri=
ften. Diß alles hat der Tyrann nuhn ein lange zeit an den Chriften in vielen
ortē begangen/ alfo das wo ich alle feine Tyrañey nur mit kurtzen worte wol
te anrühren/ möchte ich wol ein gantz Büch daruon machē können. Doch follē
vns diefe exempel vnd graufame Tyranny der Türcken / vnd die vnbeften
digkeit des weltlichen Glücks/ die wir in der Chriftenheit nun etlich jar lāg
habē erlitten/ gentslich vermahnen/ das wir allzeit darauß lernen vnd mer=
cken/ wie gar nichts vnfer ding hie auff dīer Welt fey. Dañ wañ wir betrach=
teten die groffe verenderungen/ die fich in kurtzen jaren inn der Chriftenheit
haben verloffē/ werdē wir fürwar auch mit dem Xerxe müffen weinen/ vñ
fprechē/ Wo fein diefe Herrliche vñ mächtige Stätt hinkomē/ die noch vor
kurtzen jaren/ bey der Chriften Reich fein gewefen. Dann laft vns nur Grie=
chenlandt ein wenig vnder die handt nemē/ wie es vor zeiten fey gewefen/
vnd wie es jetzundt zumal vmb diefelbig herrliche vnd mächtige Lādſchafft
ftehe. Ach du trewer Gott wie vil herrlicher vnd Mächtiger Stätt fein doch
vor zeiten in Griechenlandt gewefen/ die jetzundt all in der āfchen ligen vnd
verftōret fein. Ja man weiß fchier niemer gewiß zū vnfern zeiten wo Griechen
landt ift gelegen. Wo ift der Thebaner Statt? der Athenienfer/ der My=
cener? Wo ift Pydna? Wo ift Lacedemon? Wo ift die Statt Corinthus? Wo
ift Olynthus? Wo ift das mächtig Reich der Carthaginēfer in Africa? Wo
fein andere vil herrliche vnd gewaltige Stätt mehr? Welcher fußftapffen zū
vnfern zeiten nit mehr gelehē werden / vnd kan niemandt mehr den ort oder
platz/ darin fie gelegen fein/ zeigen. Deßgleichen was für herrliche Stätt vñ
mächtige veltung/ fein zū vnfern zeite von dem Türckifchen blūt hundert mit
großem jamer vnd blūt vergieffen verhergt worden/ vnd ob fie fchon nit gar
verhergt fein/ hat er fie doch auß d⁹ Chriftheit geriffen. Wo ift die Infel Eu=
boea/ vñ die mächtige ftatt Chalcis/ fo dariñ geleet Welche ein folche mäch=
tige vnd volkreiche Statt ift gewefen/ das man etlich taufent menfchē auß
jr in die Statt Cumas hat gefchickt / diefelbē zū befitzen vnd einzūwohnen/
von welchen völkern noch heutigs tags/ die fo in dem Königreich Neapels
wohnen jhren vrfprung haben. Wo ift die Herrliche vnnd fchöne Statt Con
ftanti=

): (4^r

Vorred.

ftantinopel / die allein auß allen Stätten des Griechenlands noch vberig war / jetzt aber ist sie bey hundert jahren vnnd etwas drüber vnder der Tyranny des Türcken? Diefelbe Statt ist gleich als ein Mutter vnd ein ftarck Schloß/ aller freyen künften vnnd Studien je vnnd je gewefen/ vnnd hatt der Chriflich glaub inn diefer Statt fürnemblich angefangen / welcher fich nachmals inn die gantzen Welt/ gleich als die Aefte an den Bäumen / hatt außgefreckt. Aber leider Gott erbarmt sie ist zu vnfern zeiten auch dahin/ vnd ist kein orth mehr inn Griechenland/ darinn Gottes namen gepriefen / vnnd gelobt werde? Sonder es wirdt vberall an Chrifti ftadt/ der verflucht vnnd Teuffelich Mahometh gepredigt. Deßgleichen fein noch andere Stätt vnnd Vefung mehr die der Türck all inn kurzem auß der Chri=ften hande hatt geriffen. Seitenmales jederman woll kundtbar ist / wie groffen schaden der Türck innerhalb viertzig oder fünfftzig jahren der Chri=ftenheit had zu gefügt/ also das schier keiner mehr luft solt haben zu leben/ wann wirs betrachteten wie gefährlich es jetzundt vmb Teutfchlandt ftünde wo ist jetzundt Griechifch Weyffenburg / welches allweg ein eintziger Schlüssel zum Vngerlandt vnnd Teutfchlande gewefen ist? Wo ist Rodyß? Wo ist Ofen? Wo ist Stüll Weyffenburg? Wo ist Peft? wo ist Jula? wo ist Sigeth? Wo ist die Jnfel Morta? Wo ist Cypern die frucht=bar Jnfel? welche Vefung vnnd Flucht häufer der Türckifch Tyrann all inn kurzem zeit vnns auß den händen hatt geriffen / vnnd dem Teuffelichen Mahometh eingeleibet. Wer wolt da nicht weinen? Wer wolt da nit wehe klagen? Wer wolt hie nicht vber das Weltliche Glück mit dem Xerxe raach schreyen? Dieweil wir fehen / das folche Vefung innerhalb viertzig oder fünfftzig jahren all fein verloren/ vnnd schier gar zu grundt gangen: Welche doch taufent mal lenger solten stehn bleiben / vnnd verharren/ daß des menschen leben. Derwegen fein diefe nachuolgende Verß gantz war/ das nichts beftendig sey auff dieser Welt? Sonder alles dem Glück vnnd der zeit vnderworfen/ welche also lauten:

βικίου αδιεν εν βωω, δονεα ω ωλεειν, Conftans nihil in vita uidetur effe,
οας μεν διδωσιμοροις δι αφαιρειται τυχη. Alijs dat, alijs aufert Fortuna.
πολλας υχμως ωρασοντας ωρθωσιν τυχη. Multos miseros erexit Fortuna.
πριφειδε ωαντα ταν βιος μικρα τυχη. Veriat omnia in uita Fortuna.
τυχης τη θνητων ωραγμαι δη ευβαλιας. Fortuna, mortalium res, non confilium moderatur.
τα θνητα ωανζα μεταβιλιας ωλλας ιχει. Mortalia ombia mutationes multas habent.
ως ωοικιλου πραγμ' επι και ωλανου, τυχη. Quam uaria res est & fallax Fortuna.

Dieweil nun das Glück also vnbeftendig ist in allen Ständen der Welt: Also das es alle ding nach feinem wolgefallen regieret vnd verriche: Was meinen mir das innerhalb hundert jahren sich in Teutfchlandt werde zu tragen/ wann der Türck also in feiner Tyranny wirdt vortrucken? Dann hat er diefe Länder also in kurzem mögen bekommen/ wie viel ehe wirdt er Teutfchlandt vnder feiner Tyranny bringen/ Dieweil niergend kein einhelligkeit vn̄ eintrechtigkeit dariñ wirdt gespüret? Doch ist folches hoch zu datirē/ d3 folche herrliche Landtschafft/ dergleichen niergendt gefundē wirdt/ also sole/ von wegen zweytrachtigkeit / vnnd vneinigheit zu grundt gehn. Dann wo wo lebt ein volck vnder der Sonnen / das so wol inn kriegßfächē erfahrē ist / so ftreitbar/ so maßlich/ so kün/ so ftand thafft/ im krieg/ so gehertzbafft/ so from vn̄ auffrecht als die Teutfchen? Wo ist ein volck d3 mehr Roß/ Waaffen/ Büchfen/ kriegßrüftung / vnd gelt hat/ als die Teutfchen?

): (iiiij Wo

Conftantino pel vom Türcken gewonnen.

Griechifch= Weyßbürg ein schlüssel des vngerlands. Vngern wie viel Stätt inn kurtzerm hab verlörē.

Rerum uieif ftudinib. omnia imperia fubiecta.

Teutfchläd wie mächtig vnnd gewaltig es sey.

):(4^v

<p>Fräckenlädts gelegenheit.</p> <p>Newhauß ein ftarck fchloß. Mergentheim ein fchöne ftat des groß meifters der Teutfchen Herrn Fürft licher fitz.</p> <p>Königshofe ein fchöner fleck. Grünßfeldt= ftatt vnnd fchloß der Grauen von Leuch= tenberg.</p>	<p>Vorred.</p> <p>Wo ift ein volck dem Gott geneigter vnd wöller will / dann den Chriften all mit einander/ fürnemlich aber den Teutfchen? Wo ift ein Landt da alfo viel Fürften fein? fo vil ftändt vñ Regiment? fo vil edler vnd ftrenger ritter? fo vil gewaltiger vnd mächtiger Stätt? fo groffe Reichthumb? fo viel Gold? fo viel Silbers? fo vil Metal vñ Bergwerck? fo ein groffes vñ mächtigs volck? fo ein fchöne jüge mañfchafft? fo viel herrlicher vñ ftädthaffter gemüter? fo ftarcke leib vñ cörpel/ als in Teutfchläd? In fuñra es ift kein natio mit dem Teutfch landt zû vergleichen. Vnd das mir zû einẽ exempel fetzẽ die geringfte Lädt= fchafft fo darinn ift/ nemlich das Franckenlandt/ wie viel herrlicher Stätt/ Schlöffler vñ Fürtenthüb fein dariñ? Als da ift zum ertẽ die fchöne vñ ficht bare Statt Rottenburg an der Tauber/ welche mit der Heiligen vnd herrli= chen Statt Jerufalẽ/ an fchöne vnd gelegenheit wird verglichen. Darnach ligen weiters am Tauber fluß/ die Statt Kreglingen/ Weickersheim / vnd das ftarck vnnd wol erbawtes fchloß das Newhauß / auff einem weit ficht= baren berg. Nachmals ligt die fchöne vnnd luftige Statt Mergent= heim auff einer weiten ebne/ mit einem fchönen vnd ftarcken Schloß wol ge zieret/ an hâufern/ fchönen gaffen/ einem künstlichen Rathhauß/ vnd fprin genden brunnen gantz luftig erbawet. Deßgleichen ift fie mit einem fruchtba ren boden an wein vnd korn / vnd allen dingen fo zû des menfchen leben gehõ= ren gantz reichlich begabet. Vber das ift fie nit allein mit folchen gutthaten vnd gaben Gottes verehret/ fonder es bat Gott der Allmechtig auch fie all= zeit mit einem Chriftlichen fromen Fürften vnd Herin / fürnemlich aber zû diefer jetzigen zeit/ in welcher der Hoch. Fürft vnd Herr/ Herr Hans Jacob von Bobenhaulen (fo ich anders recht bericht bin worden) der gantz Baley Teutfch Ordens Hochmeifter/ ꝛ. höchlich gezieret. Alfo das alle ftändt/ Ge= richt vnd Gerechtigkeit durch jre F. G. hohen verftandt/ weißheit/ rath vnd fürfichtigkeit der maffen werdẽ adminiftrir vñ verrichtet/ dz die vndertha= nen in guter rub vnd einigkeit vnder jrer F. G. fchutzz vnd fchirm mit höchfter danckfagung Gottes leben vnd wandlen. Auch haben fie jrer Fürftlich Gna den vorfahren/ vnd diefer Chriftlich vnd Ritterlich Teutfch Orden zû jeder zeit rittermeffig vnd mañlich wider die Erbfeindt drs Chriftlichen glaubẽs gehalten/ (wie daß die fchwere krieg fo fie in Preuffen vnd Lifflandt haben gefüret gnugfam darthun) alfo das fie eines vnfterblichẽ lobs bey allẽ nach= komen würdig fein. Vñ auch Gott in fonderheit anzuruffen ift / das er difen Chriftlichen vnd Ritterlich Orden/ vñ jren Fürften vnd Hochmeifter jetztre gierender zeit/ welcher mit vielen Herrlichen vnd rittermeffigen thugenden begabet ift lange zeit wölle auffrecht/ vnd in den altẽ ftandt erhalten. Nach diefen ertẽ gemelten löblichen Statt Mergentheim ligen/ noch viel fchönes Stätt vñ flecken/ an dem Tauberfluß/ welche zwar nit namhafftig/ aber an wein vnd korn gantz fruchtbar fein/ als da ift der fchön vnnd luftig fleck Kõ= nigshofen an der Tauber/ Lauden/ Bifchoffsheim/ beyleits die State Grünßfeldt mit einem ftarckt Schloß auff dem berg verwaret/ in welchem die Hochgebornẽ Fürftẽ vñ Grauẽ Herrn/ Herrn/ ꝛ. Landtgrauẽ vñ Leuch tenburg/ vñ Pfriembt/ ꝛ. jren fitz habẽ. Letztlich da die Tauber in dẽ Mayn falt/ ligt die luftige Statt Wertheim/ mit einem fchönen vnd wol erbawetẽ fchloß vmbfangen/ in welcher die Hochgebornen Fürften vñ Grauen Herrn / Herrrn/ ꝛ. von Wertheim/ ꝛ. jren fitz haben. Deßgleichen ligen noch vil heri= licher Fleckẽ/ Stätt/ Schlöffler/ vnd Hertzogthumben an dem Mayn fluß/ als da</p>
---	---

):(5^r

Vorred.

als da iſt fürnemlich die weitberhümpfte vnd Fürftliche Statt Bamberg/
 Kitzingen/ Sultzfeldt/ Ober vñ Vnder Breyt/ Frickēhauen/ Ochfenfurt /
 Sommerhauen/ 3eyfelrieth / Ransacker/ Heytzfeldt/ vnd die Mächtige/
 Volctreiche/ vñ Schöne Statt Wirtzburg/ des Hertzogthumbs in Franckē
 Hauptfatt: Welche Statt ligt auff einer ſchöne/ luftige vñ weite ebne/ von der
 auffen vmb vnd vmb mit kleinen luftigen/ vñ fruchtbaren berglin vnd hü=
 gel vmbgeben/ die mit wein reben luftigen gärten von wolſchmeckendē kreu=
 tern vnd blümen / vnd Wiefen feindt gezieret. Deßgleichen iſt ſie von auffen
 mit ſtarcken Ringmauren/ tieffen Wallergräben/ veltē/ runden Thürnen/
 Bollwercken/ Palteyen/ Bruftwehren/ vnd mit einem wunder ſchönen vnd
 Fürftlichen Schloß gantz zierlich vmbpfangen. Innerhalb aber d^o ringmau=
 ren iſt ſie gantz volckreich/ mit vilen herrlichē Stifften/ Kirchen/ Clößtern/
 Schulen/ Palläſtē/ einer ſchönen vnd Fürftlichē Cantzeley/ künstlichē Rath
 hauß/ vnd vilen weiten Plätzen erbawet. Deßgleichen hat ſie auch vil offene
 licher vñ heimlicher fließende friſche wällerlein/ dardurch die gaffen/ vor ge=
 ſtanck vnd vnraht gantz ſauber gehalten werdē: Viel friſche vnd küle bruñen/
 mit gutem ſuffen waffer zū vilen gebreuchen notwēdig. Vber diß alles iſt ſie
 in ſonderheit zū dieſen jetzigen ſchweren zeiten vnd leuffen / mit ewer Durch=
 leuchtige Fürftliche Gnaden/ vo Gott dem Allmächtigen/ eirem ſolchen Frō mē/
 Gotts förchtigen Fürften vnd Herrn/ vñ einem rechtē vñ waren liebha=
 ber des Vatterlands/ deßgleichē eim eiferigen Patronen aller guter künſtē
 vnnd Ieren/ dermaßen begabet/ Alfo das E. F. G. lieb/ vnd eifer/ fo E. F. G.
 gegen den Schulen vnnd freyen künſten tregt / nicht allein vonn E. F. G.
 vnderthanen/ ſonder auch von vielen außländlichē völkern auff das höchſt
 gepriefen vnnd gelobt wirdt. Es iſt dieſe herrliche Statt mit ſo viel herrli=
 chen antiquiteten vnnd monumenten gezieret/ das ſie billich das jrrdlich
 Paradeß mögt geneñt werden: Vñ erſtaunen all die jenigē ab dieſer Statt
 ſchönheit / wann ſie dieſelbig zum erſten ſehen / Alfo d^z ſie zū gleich ſprechen
 mit dem Athenarico der Gothen König (als er gehn Conſtantinopel kam)
 Vere Deus terrenus eſt, Dux hic habitans, & quiſquis aduerſus eum manus mouerit,
 ipſe fui ſanguinis reus exiſtet. Derhalbē wañ ich alle zier vñ politey/ fo vñ E. F.
 G. in dieſer Statt ſein auffgericht wordē/ wolt erzēlē/ wirdt es fürwar vil zū
 lang zeit vnd weil nemen. Dieweil aber ſolches hie nicht vnſers fürnemens
 iſt / dieſer Statt gelegenheit auff dißmal zū beſchreiben/ wöllen mir weiters
 fortfaren/ vnnd wider zū vnſerm fürnemmen komē. Nachmals ligen den
 Mayn/ hinab viel herrlicher vnnd ſchöner Schlößfer vnd Stätt/ biß gehn
 Mentz do der Mayn in Rhein laufft/ auß welchen Stätten die fürnemſten
 ſein (auß genommen die große Gewerbtatt Franckfurt) Miltenberg vnnd
 Ofchenburg/ welche ein ſchöne vnd luftige Statt iſt/ fürnemlich Sommers
 zeit/ von wegē des guten luffts/ in deren ein gewaltig ſtarcks vñ newes Fürſt=
 liches Schloß lige/ in welchem mein Gnedigſter Herr/ d Durchleuchtig Hoch=
 geboren Fürft vnnd Herr/ Herr Daniel Brendel von Homburg/ ꝛ. Ertzbi=
 ſchoff zū Mentz des Heiligen Römlichen Reichs Churfürft / vnd Ertzcan=
 ler durch Germanien/ ꝛ. zū gewöhnlichen zeiten vnnd Jhar jhr hoff hal=
 tung hat. welche Durchleucht Churf. Gnaden/ leichtlich alle jhre vorfa=
 ren/ an liebe des Vatterlädts/ ftandthafftigē gemüth/ weißeit/ hohen ver=
 ſtandt/ vñ liebe der freyen künſten vnd ſtudien/ weit vbertriff. Fürnemlich
 aber in dieſem das jr Churf. Gnad ein rechter/ warer vnd eiferiger liebhaber
 iſt aller

Der ftatt
 Würtzburg
 beſchreibūg

Herr Friden=
 rich Biſchoff
 zū Würtz =
 burg.

Ofchenburg
 ftatt vnnd
 Schloß des
 Churf. von
 Mein^z Fürft
 licher ſitz.
 Herr Daniel
 Brēdel Chur
 fürft von
 Meint^z.

):(5^v

Rôm. Reich
w3 es für lân
der in sich be
greiff

Alle König=
reich fein dē
Glück vnd
worffen.
Türck ein
Geißel Go=
tes.

Eintrechtig
keit vnd ein=
helligkeit
was sie nutzē

Vorred.

ift aller gûter vnd freyer künften vnd ftudiē/ Wetches dañ bezeugē die ſchû=
len die jr Churf. Gnad hin vnd wid⁹ in den Stätten des Churfürtenthübs /
befonders in der churfürftlichē Statt Meintz/ hat auffgericht. Deßgleichē
ift jr Churf. Gnad nun viel jar lang dem Churfürtenthum mit folcher grof
fer nutzbarkeit vnd wolhart jrer Churf. Gnadē vnderthanen/ fürgeftandē/
das ſie folches mit großer dancklagung gegen Gott allzeit lobē vnd preifen:
Bieten auch/ daß Gott ire churf. Gnad lenger wol in guter gefundtheit/ zû
wolfarth des Vatterlandts erhalten vnd bewaren. Damit mir aber wider
zum vordrigen koffien/ daruon mir abgewichē fein / vnd ich auch nit zû lang/
in dē lob des Franckenlandts verharre/ wöllē mir zû vnferm abgetrettē text
wider komē. Derowegen ſag ich wann man nur die geringſte Landtſchafft
des Teutſchlands befehe was herrlicher Stätt/ Schlößler/ Churfürften/
Fürftē/ Grauē/ Ritter vñ Herrn/ darin gefundē werdē: Wie hoch es vns ſole
zû hertzen gehn/ wann mir daran gedechten/ d3 diß Landt vber hundert jar
oder nit ſo lang/ (daruor doch Gott trewlich wöll fein) in des Türckē gewalt
vnd Tyrāney ſolt komē. Jch will geſchweigen wañ er erft die vbrigen Lädt
ſchafft/ ſo auch vnder dem Teutſchen vnd Heiligen Römifchen Reich fein be
griffen/ ſolt bekōmen. Als da iſt Schwabē/ Bayerläd/ Tyrol/ Oeſterreich/
Vngern (wie wol es d⁹ Türck ſchier in feinen kloppē hat) Steyermarck/ Kern
ten/ Böhem/ Polandt/ Schwedien/ Dennmare/ Nordwegen/ Preuffen/
Sachſen/ Thüringe/ Heffen/ Niederläd/ Holand/ Rheinfrom/ ein Löbli=
che Eydtnoſchafft/ Grawbünder/ Venediger vnd Genuēer Herrſchafft/
Italien/ Sophoen/ Lothringen/ Franckreich / Engellandt/ Britannia/ Hi
ſpaniē/ Malta vñ andere vnzalbare Jnſel vnd Prouintzē mehr. Diß ſag ich
Durchleuchtiger Fürft/ vñ Hochwirdigter Herr/ꝛ. Solt vns billich mit dē
Xerxe machen zû weinen / wañ wir daran gedechten/ das folche herrliche vñ
mächtige Königreich all dem vnbeftändigen Glück fein vnderworffen/ vnd
zû beſorgen iſt/ ſie werden nit lang auffrecht bleiben ftehn/ fonder es werde
vns Gott ein mal gröblich/ vnd vil gröblicher dañ biß her geſchehen / vō we
gen vnſer groffen lündt/ mit dem Türcken ftraffen: Welcher doch nichts an=
ders iſt/ dañ allein ein Straff vnd ein Geißel Gottes. Derhalbē ſolten billich
alle Chriſten Gott dem Herrn bey zeiten in die ruthen fallē/ vnd jn bittē / d3
er diſe ſchöne Königreich/ vnd die liebē Chriſtenheit/ wöllē nit ftraffen nach
vnferm verdienft/ fond⁹ ſie von wegē vnſerer nachkōmling vätterlich beſchü=
tzen vnnd beſchirmen/ auff das ſie ja nit alfo jämmerlich von dem Türckifchen
blüt hundert verhergt vnd verbreñt würden. Auch vns ſterck vnd macht wid⁹
jn verleihen/ auff das der Göttlich nam̄ vnd feines eingeliebten Sohns nit
alfo ſchändlich verhönet vnd geläſtert werde: Sonder der ſach ein endt ma
chen/ nit lenger mit vns zürnen/ dem blüt hundert vnd Gottsleſterer wehrē/
vnd vnſere nachbawren vnnd mitgnoffen im glauben / von folchem groffen
elendt vnd jamer/ in welchē ſie nuh ſchon ein lange zeit fein gefteckt/ gnedig
erlöfen vnd entledigen. Deßgleichen d3 er in der Chriſtenheit/ in allen Stän
den vnd regimenten / wöllē fried vnd eintrechtigkeit verleihen/ damit man
mōg durch vnſer einhelligkeit dem Türcken ein abbruch thun: Seitenmal
auff dieſer welt nichts lieblicher/ nichts freundlicher/ nichts angene=
mers/ nichts frölicher zû hören/nichts beſſers vnnd nutzbarers inn allen
Ständen iſt: dann eintrechtigkeit vnnd ehelligkeit. Dahår Salluſtius
der Römifch geſchicht ſchreiber weißlich ſpricht: Concordia paruaē res cre=
ſcunt,

):(6^r

Vorred.

fcunt, difcordia maximæ dilabuntur. Das ift/ durch eintrectigkeit nelmen kleine ding hefftig zû/ durch zweytracht aber nemmen große Reichthumb ab. Die weil dann nuhn die einigkeit alfo hoch von nöten ift/ in allen ftänden/ follen mir Gott billich darumb anruffen/ das er folche vnder den Chriften allzeyt wölle verleihen vnd geben. Dann die Türcken betten fonft nichts hefftigers von Gott/ weder allein das er vnfried/ neid / haaß / vnnd jnnerliche krieg vnder den Chriften wölle gebē. Damit aber folches nicht gelchehe/ follen mir Gott ernftlich anruffen/ das er wölle friedt verleihen in allen Ständen. Auß was vrfachē aber ich diß gering werck vnder E. F. G. Hochgedachtem namēn hab laffen außgehn/ fein fürnemlich diefe/ dieweil ich in vilen fachen fpüre vnd abnifū/ wie hefftig E. F. G. als einem frommen Gottsförchtigen Fürften vnd Herrn/ der Gemein nutz vnd wolfarth aller Chriften zû hertzgen gehe / vnd wie hefftig E. F. G. der Türcken Barbarey vnd Mahometifchen glauben/ auß einem rechten eifer feindt ley/ bezeugen folches genugfam die augenfcheinliche Exempel der fchülen vnd güte politey/ fo E. F. G. inn dem Hertzogthumb zû Franckē hat auffgericht. Dañ wa durch hat des Teuffelifchen Mahomeths glaubē anders her fein vrfprung genomēn/ weder allein auß vnwillenheit vnd vnuerftandt des gemeinen pöfels/ die fich niergendt auff verftanden haben/ vnd gemeinet es ley alles war/ was diefer lotterbûb gefagt hab. Diß alles hat E. F. G. nach jrer F. G. fonderliche weißheit vnd hohen verftandt/ on zweiffel betracht/ was darauß eruelge/ wo kein fchülē vñ politeyen gehalten werden/ vñ was letftlich auß folcher Barbarey vnd vnwillenheit erfolge/ nemlich graufame jrthumb/ fallche lehr/auffruhr/ zwey trechtigkeit vnd jnnerliche krieg. Damit aber folches bey E. F. G. nachkômlingen vnd vnderthanen vermitteln wirdt/ hat E. F. G. in dem Hertzogthûb Francken/ fürnemlich aber in der Fürftlichen Statt Würtzburg viel fchülen auffgericht/ vnd groffen verlegen daran gewent/ auch vil gelehrter mânner/ die in allen freyen vnd guten künften fein erfahren/ darin auffgezogen: Welches alles allein daruñ gefchahē ift / auff das der Chrifftlich glaub vñ alle gute politey vñ künft bey dē nachkômēn erhaltē würdē/ damit fie nit auch in die Barbarey der Türcken etwañ geriethen. Auß welchen dingē leichtlich abzunehmen ift / wie hefftig E. F. G. der Gemein nutz vnd wolfarbt des Vaterlandts/ als einem frommen Gottsförchtigen Fürften vnnd fürfteher des volcks anlige. Alfo das E. F. G. fürwar billich zû diefer zeit vnd bey den nachkômēn ein Vatter des Vatterlandts/ vnd ein befchirmer vñ Patrō aller freyen vnd gutē künften/ mag geneñt werden. Diefe vñ andere fürtreffliche exempel E. F. G. haben mich dahin verurfacht/ das ich diefe zufamē getragē Hiftorien von des Türckifche Keifers Hoffhaltung/ vñ jren gefchichten vnd Tyrañifchen Thatten/ auch von dem ftinckenden vñ faulen fundament des Mahomeths glauben/ vnd groffen lügen vnd lamen bolffen/ die er hin vnd wider hat getriebē/ zû zufchreibē. Befonder aber hat mich diß allein darzu bracht/ dieweil mir gantz wol zû willen ift/ dñ E. F. G. ein liebhaber vñ geflißner ift aller Hiftoriē: Vnd ift auch on zweiffel E. F. G. gantz wol zû wiffen/ das die erfahrung/ welche auß den gefchichten vnd wichtigen fachen der Hiftorien genommen wirdt/ für die fchöneft lehr zû halten ift / dardurch das leben mag gebellere/ vñ recht angericht werdē. Dañ diefelbig allein macht vns gefchickt das beft in allen fachen/ jeder zeit vnd vmbftädts/ one vnfern fchaden eigentlich erkenē Auß welcher erfahrung vñ tägliche vbung / fo E. F. G. in den

Nutz der Hiftorien.

): (6^v

Vorred.

in den Hiftorien volbingt/ hatt E. F. G. alle jre weißheit/ hohen verftandt/
 Gotts forcht/ freundtlichkeit vñ lieb fo G. F. G. gegē dē Vatterlādt tregt/ ge
 fchöpfet vñ gefalset. Alfo dz E. F. G. reichelich alle jre vorfahren/ fo auch mit
 nutz geregnieret habē / an Weißheytt/ Hohem verftādt/ Gotts forcht/ Freüdt
 lichkeit/ Lieb gegen dē Vatterlādt/ gute Regiment/ Ruh vñ erwüñtchten
 Friedē/ weit vbertrifft. Derowege bin ich in guter hoffnung es werde folches
 mein fürnemen vñ geringe Translarion/ E. F. G. als einē Liebhaber der Hi=
 ftorien wolgefellig fein/ vñ nach E. F. G. natürliche vnd angeborne Freundt=
 lichkeit in Gnaden angenoñen werden. Vnangelehē das es wol an jm felbs
 ein gerings werck/ vnd nit werth ift/ das es foll vnder E. F. G. Hochgedach=
 tem namē außgehn/ jedoch fo kan E. F. G. hieran mein vnderdienftlichē wil
 len vnd gemüth gegen E. F. G. vnd dem liebē Vatterlandt fpüren vnd mer=
 cken. Bitt derhalben gantz vnderthenig E. F. G. wolten diß mein fürnemen
 vnd gerings werck wol gefallen/ vñangenē fein laffen: Hier an mein fleiß
 vnd wol geneigten willen gegen E. F. G. erkennen / vnd mich lampt meinen
 ftudijs in E. F. G. Schutz vñ Schirm allzeit befolē fein laffen. Darā ich gātz
 vñ gar kein zweiffel trag/ dieweil ich täglich fihe vñ hōre / das E. F. G. Gottes
 nammen/ vnd die freyen künft/ befonder die Hiftorien/ lieb vnd werth hatt/
 auch gelehrte leuth (vnder welche zahl ich doch keins wegs bin zū rechnen/
 fonder der geringft vnder allen bin)fürtrefflich liebet/ vnnd dieselben im
 fchutz vnd fchirm behaltēt/ alfo das leichtlich darauß abzunemmen ift/ wie
 hefftig E. G. Gottes Ehr/ vnd die gute kunft vnnd politeyen des Vatter=
 landts/ angelegen fey. Bitt derowegen das der Allmechtig Gott vnd vat=
 ter vnfers Herrn vnnd Heylandts Jefu Chriffti wōlle E. F. G. lampt dem
 gantzen löblichen Hertzogthumb zū Francken/ langwirige gefundtheit/ lan
 ges leben/ vnd glückfelige Regierung verleihen: Auch E. F. G. vnderthanen/
 vnd die fclüñen/ fo E. F. G. mit größem lob hat auffgericht/ allzeit in guter
 rub/ fried/ vnd einigkeich erhalten. Deß gleichen wōlle auch Gott
 der Allmechtig E. F. G. jeder zeit vor allein vnfal befchützen vnd befchirmē/
 damit E. F. G. vnderthanen vndet E. F. G. Schutz vñ Schirm allezeitmōg=
 rübig vñ in guter wolfart leben vñ wandlen. Datum zū Baſel der drey vñ
 zwentzigften tag Augftmonats/ Jm jar nach vnfer Erlöfung vnd See=
 ligmachung/ Fünffzehen hunbert vnd Siebentzig Drey.

E. F. G.

Vnderthäniger vnd geflißner allzeit
 Nicolaus Höniger von
 Tauber Königshoffen.

x3^r

Ein kurtze vorredt vber diefe nach folgende ccxlv
 vermahnungen vnd Orationes:
 WJr fehen täglich in allen Weltlichen
 Ständen vnd Regimentem/ lieber Lãfer/ wie vnbe=
 ftendig vnnd wanckelhafftig das weltlich Glück fey/
 daher dann der weiß vnnd berhümpft Demofthenes
 fein fagt /μεγαλη ρωπη, μαλλου δε ολουμ τυχη παρα παντ' δη
 τα των ανθρωπου πραγματα. das ift / Es ftehet viel an dem
 Glück/ vnd werden gemeinlich alle ding/ fo auff die=
 fer welt gefchehen/ durch das Glück geregniert: Deß.
 gleichen fagt er auch/ an eim andern orth/τω δυτυχιαν συμπασης, εγωλ ανθρω=
 ποις δσης δ εινοτητος, και σοφιας δρη κρατδσαη. das ift/ das Glück vber trifft alle
 men=
 Ichliche vernunft/ weißheit/ vñ gefchwindigkeit. Welches Glücks vnbeften
 digkeit mir für war in der Chriftenheit nun etlich jar lang einander nach grô=
 blich vnd gnuglam (. Gott erbarms.) erfahren haben. Dann wie vnbeften=
 dig vnd wanckel bar das Glück mit der Chriftenheit/ innerhalb inn vier vnd
 vierzig jahren hab gehandelt/ ift jederman wol zu wiffend/ alfo das ich hie
 nicht viel daruon fchreiben wil. Seitenmal alle Bücher voll fein/ der graufa=
 men Tyranny/ die der Türckifch Tyrān an der Chriflichen Kirchen/ vnnd
 dem Chriflichen namēn begehe vnd übet/ alfo das ich acht hie vnuonnôthen
 zû fein/ etwas daruon weiters zu fchreyben. Dieweil mir aber fehen das je len=
 ger je mehr/ folches widerwertig glück in der Chriftenheit vberhandt nimbt/
 alfo das fchier kein Prouintz/ Jch will gefchweigen Königreich vor dem Tür
 ckifchen blüthundt ficher vnnd vnangefochten bleibt / hatt mich die groffen
 noth der Chriflichen Kirchen/ vñ der gantzen Chriftheit dahin verurfacht/
 das ich diefer zweyer Hochwirdigen vnd Wolgelehrten Männer des Befsa=
 rionis vnd Enee Syluij/ vermahnung vnd Orationes/ auß dem Latein inn
 das Teutfch brächte. Fürnemlich aber hatt mich bewegt der Jnfel Cypren
 groffe niderlag/ welche erft vor zweyen jaren mit viel tauſent Seelen auß der
 Chriftenheit ift geriffen / vnnd dem Teuffelichen Mahometh ein geleibet
 worden. Dañ gleich wie zû der zeit/ des Hochwirdigften Herren Belfarionis
 der Heiligen Rômifchen Kirchen Cardinal/ vnd Ertzbifchoff zû Sabin/ ρc.
 die Chriftenheit groffen ſchaden vnnd noth erlitten hatt/ von dem Türcken/
 alfo das nichts anders vorhanden war/ dann er würdt gantz Jtaliā vnder
 fein Tyranny bringen. Derhalben jhr Hochwirdigkeit an allen orthen vnd
 enden hin vnd wider in Jtaliē/ die Fürften auff manet/ vnnd warnet/ das
 ſie folten bey zeiten zu den fachen lügen/ ehe der Türck gar in d3 Landt keme
 (. welches dann in kurzem wirdt gefchehen/ wo ſie jm nicht baldt wider ftûn=
 den.) vnd perfuadiert jhnen das es viel beffer vnd heilfamer wer/ auff der
 Landt zu kriegen/ dann in dem eigen Vatterlandt / vnnd damit er ſie môcht
 zum krieg wider die vngleubigen bewegē/ ſchrieb er diefe nachuolgende Ora=
 tiones perfuaforias/ vnd publiciert ſie hin vnd wider inn Italia auff das die
 Fürften vnd Herren zur eintrechtigkeit / vñ einigkeit dardurch gebracht wür=
 den/ vnd ſie einhelliglich ein gemeinen krieg wider den erbfeindt anfiengen.
x iij Deßgleichen

x3^v

Vorred.

ccxlvj

Deßgleichen hatt folches auch der Aller Heiligft vnnd Hochwirdigfte inn Gott Vatter/ Fürft vnnd Herr / ꝛ. Bapft Pius der ander/ diß Nammens/ vorhin/ Eneas Sylaius genent/ damals Keiferlicher Maieftâth Secretari us/ als die Statt Conftantinopel von dem Türckifchen Tyraniē ift auß der Chriftenheit entzücket worden/ mit großem klagen/ bitten / vnd begeren in einer Oration/ zû den Löblichen vñ Maßlichen Teutfchen auff den Reichftag zû Regenspurg erkläret/ wie befftig vnnd mechtig der Türck vns nach ftelle/ dariñ auch angezeigt / wie hoch es Teutfchlandt von nôthen fey/ das es einrechtig vnnd einhellig werde / vnd dem Erbfeindt bey zeiten widerftandt thun/ ehe er das gantz Vngerlandt vnder fein gewalt bringe. Diweil nuhn folche Orationes vnnd vermanunge zur felbigen zeit / etlicher maßen haben genutzet/ vnd dem Türcken dardurch ein widerftandt ift gefchehen: Zweifel mir gar nicht/ es werden auch zû vnfern zeiten viel maßliche Fürften vñ Herren fein/ fo diefe nachuolgende vermanung werden läfen/ dz fie durch Chriftliche andacht/ vnd von wegen des Chriftlichen namens/ den fie tragen/ verurfacht werden/ das fie jhrer vorfahren maßliche vñ lobliche Exempel nach folgen/ welche ſich offtermals in die größten gefahr vö wegen des Chriftlichen nammens haben begeben. Dann was ift löblichers vnnd lieblichers zû hören auff diefer welt/ weder ein vnferbliches vnd vnerlofches lob? War durch kan man aber ehr folches lob bekoñen/ dann allein durch lieb vnd eifer des nammens Gottes? Dann wer empfahet die kron der ewigen feligkeit am aller erften/ dann allein die/ fo für Gott/ feinen nammens/ vnnd eingeliebten Sohn Jefum Chriftum ftreiten vnd fechten? Welche die freyheit vnd wolffahrt des Vatterlandt/ von wegen Gottes ehr/ jhren nachkömlingen begeren zû erhalten? Dann wir läfen inn allen Hiftorien/ das die Römer/ welche ſich maßlich in kriegem/ allein von wegen des Vatterlandts/ haben gehalten / ein vnferblichen nammens dardurch erlangt haben. Nun wie viel mehr werden die/ ein ewigen/ vnferblichen/ vnerlöchlichen nammens bey allen jren nachkommen erlangen/ fo für Gottes nammens/ Ehr/ Herrlichkeit/ Rhum/ für feinen eingeliebten Sohn/ vnferer aller Heilandt vnnd Seligmacher/ für feine Chriftliche Kirchen vnd werde Braut auff diefer welt/ geftritten vnd gefochten haben? Die weil mir nuhn auff diß mal fehen/ wie graufam/ Tyranniſch/ Teufflich vnnd Mörderifch der Türck die Chriften abermals habe angefochten/ vnd ein großen abbruch der Chriftenheit habe gethan/ folten billich alle Fürften vnd Herren/ ja was ſchwerdt vnd wehr möcht tragen/ wider diefen erbfeindt auff fein: Fürnemlich aber diweil mir fehen/ das Gott der Herr auff diß mal mit vns ift/ vnd wil vns helffen/ vñ hat vns Chriften ſchon ein Herrlichen Sieg geben/ damit er vns darzû reitzet/ vnd vns auff wecket von dem ſchlaff/ der Neidheit vnnd Helffigkeit. Dann es batt Gott zû vnferer jetziger zeit den Chriften ein folchen Herrlichen Sieg verliehen / deßgleichen vnferer vorfahren nicht viel haben gehabt. Darumb folten billich alle Fürften vnd Herren diefe jetzige zeit zû hertzen führen/ vnnd die gelegenheit/ fo vns auff diß mal von Gott zûgefchickt ift/ keins wegs verfaumen / daß das glück will vns auff dißmal wol / vñ ift wie Demofthenes ſagt: τα τυχης ημιν υπαρμει πδρ αι βελζιου η ημεις, ημον αυτων επιμελαμεθα, και ταυτ' εξεργασαιτο αν. das ift/ Das glück

fteht auff diß mal vns bey/ vnd hat beffer ſorg für vnfer ſach vnnd gefcheffen/ dann mir felbs/ vnd wirdt ohn zweifel all vnfer fürnemmen vnnd gefcheffen allein/ durch das glück wol vnd recht verricht werden.

Derwe-

x4^r

Vorred.

ccxlvj

Derowegen dieweil mir all fehen vnd fpüren/ das vns das Glück auff diß mal bey ftehet vnd will vns gantz wol / also das mir felbs bekennen müffen/ Gott thue vns mehr trew an/ dann wir vmb jn verdienen/ folten mir ja billich gegen jm auch danckbar erfunden werden/ vnd betrachten/ warumb er folches thut: auch allen neidt vñ haß hinlegen/ den mir alle gegen einander tragen/ vnd Gott trewlich von hertzen anruffen/ auff dz er vns forthin weiter fein Göttliche hilff vnd beyftandt wölle verleiben/ wider diefen graufamen feindt der Chriſten/ vnd des Göttlichen namens. Dann wann die Chriſtenheit eintrechtig vnd einhellig werē/ möchtē ſie de Türcken eben ſo wol ein widerftandt können thun/ zū diefer jetzigen zeit/ als vor zeiten. Seitenmal man jetzundt vil mehr volck vñ freitbarer leut in der Chriſtenheit findet/ weder vor hundert jaren: Deßgleichen fein ſo vil gewaltiger Fürften vñ Herrn zū diefer zeit im Heiligen Römifchen Reich/ die der maſſen in kriegßfachen fein erfahren vnd geübet/ also das man den Türcken jetzundt mit viel geringem volck mag bekriegē vnd ſchwechen/ daß man vor zeiten gekönnet hat. Allein diß mangelt/ vnd leit der gantz handel daran/ das man nicht einhellig iſt vndereinander/ vñ will keiner zum erften den Fuchſen beißen/ fonder es wartet je einer auff den and^{ern}/ biß letztlich der Türck gar durch vnſer vreinigkeit in das Teutſchlandt kompt/ vnnd bringt die gantze Chriſtenheit/ vnder fein Tyranny. Damit aber vielleicht etwañ noch etliche fromer Fürften/ vnd Mannliche Helden erfunden würden / denen das gemein beil der Chriſtenheit an läge/ hab ich dieſe nachuolgende Orationes vnd vermanüg auß dem Latein gebracht/ vnd hinden an dieſe Hiſtorien wölle henck / auff das herdurch etwann die Teutſchen Fürften ein mal auffwachten/ vnnd dieſem Tyrannen ein widerftandt theten. Welches vnzweiffel leichtlich möcht gefchehen/ wann alle Fürften vnd Herrn eins finnes weren. Derbalben bin ich guter hoffnung es werden jre vil / durch diſe nachuolgende vermanüg verurſacht werden/ das ſie jren neidt vnd haaß/ ſo ſie gegen einander habt/ abthun/ vnd ſich eines beſſern forthin befleißten. Auff das durch jhr einigkeit der nam Gottes werde gepriefen vnd gemehret/ vnd ſie bey jren nachkömnen ein ewigs lob verlaffen. Auch darbey gantzlich vertrauen/ es werde vns Gott keins wegs verlaffen/ allein wann mir nur Gott fleißig anruffen vnd bitten/ vmb verzeihung vnſerer lünde/ vnd eintrechtig vnd einhelliglich vnder einander leben / Amen.

x iiij Dem

x4^v

Dem Ehrwürdigen vnnd Hochgelehrten Herrn ccxlvijj
 Wilhelm Fichet/ der Heyligen Schrifft Magister/ vnnd Profeffor zů Paryß
 auff der Hohen Schül inn dem Collegio zů S. Sorbon/ vnferm Getrewen
 vnnd lieben freündt/ wüntfchet Belfarion Biſchoff vnnd Cardinal
 von Sabin vnnd Patriarch zů Conſtantinopel von
 Nicen viel glücks vnnd Heils.
 WJR hören das jhr nicht allein Ehr=
 wirdiger/ Hochgelehrter Herr vnnd lieber freündt/
 in der Philoſophi / vnnd inn der Göttlichen Schrifft
 groſſe erfahrniß habet/ fonder auch inn der wolre=
 denhey vnd inn den freyen künften gantz wol feyt
 geübet/ vnnd ein groſſen luft darin habet. Von wel=
 chen freyen künften mir zwar nicht auff diß mal zů
 euch ſchreiben wöllen / darin jr euch möchtet velleicht
 beluſtigen/ fonder mir haben vns für genömen zů euch zůſchickē etliche ver=
 manunge vñ Predige/ die ich newlich an die Fürften vñ Herrn auß Jtalien/
 für die groſſe gefahr/ fo vnns auff dißmal auff dem halß ligen/ gethan hab.
 Auß welchen vermanungen jhr zwar nicht werdet lehrnet/ fo zů ewer wolre=
 denheit dienftlich fein wirdt/ fonder allein das jhr erkennet die groſſe noth/
 vnnd gefahr fo der Chriſtenheit auff dem halß ligt / vnnd damit ihr fol=
 ches der Königlich Maieſtät inn Franckreich vnnd andern Fürften vnnd
 Herrn mehr / fo fürnemblich folten zů der ſach thůn // den handel deſto
 haß erkläreten vnnd ſie da hin beredeten/ auff das ſie ein mal dem feindt vn=
 der die Augen zöhen: Seiten mal diß heiter gnůg am tag iſt vnd alfo heiter
 das man nicht viel dörff daruon erklärang thůn. Dann ich beförcht es wer=
 de der Türck nicht ehe von Jtalien abftehn/ fo lang vnd fo ferr/ biß er es ein
 mal gantz erfchnappet hab. Welches damit es nicht gefchehe/ folte folches
 billich nicht allein allen Königen von wegen jhrenthalben / welcher heil
 vnnd Seeligkeit in gröſſer gefahr jetzundt zů gleich iſt/ zů hertzen gehn laſ=
 ſen/ fonder auch von wegen Gottes des Allmechtigen / welches Religion
 vnd Göttlichs wort jetzundt von dem Türcken angefochten wirdt/ zů Ewi=
 gen verderben vnnd verdammuß aller Chriſt gläubigen. Hiemit feindt inn
 den Schutz vnnd Schirm Gottes befohlen. Geben inn der Statt
 Rom/ den dreyzehenden tag Chriſtmonats jhm jhar
 tauſent vier hundert vnnd vier
 vnnd viertzig.

Ein